

7. gr.

Umsóknir og afgreiðsla þeirra.

Sækja skal um styrki og uppbætur samkvæmt reglugerð þessari hjá Tryggingastofnun ríkisins og skulu umsóknir vera á eyðublöðum stofnunarinnar eða með rafrænum hætti á þar til gerðum eyðublöðum sem hægt er að nálgast á heimasíðu stofnunarinnar. Umsækjanda er skylt að veita Tryggingastofnun allar nauðsynlegar upplýsingar til þess að hægt sé að taka ákvörðun um veitingu styrks eða uppbóta. Einnig er maka umsækjanda eða bótaþega skylt að veita upplýsingar um sig ef þær kunna að hafa áhrif á afgreiðslu umsóknar.

Styrkir og uppbætur vegna bifreiðakaupa skulu greiddar út fjórum sinnum á ári. Styrkir og uppbætur sem ekki eru nýttir innan 12 mánaða falla niður en ákvarða má styrk á ný ef rökstudd umsókn berst, sbr. 2. mgr. 49. gr. laga nr. 117/1993 um almannatryggingar.

Um umsóknir og framkvæmd að öðru leyti fer skv. 47., 48. og 50. gr. laga nr. 117/1993 um almannatryggingar, með síðari breytingum.

8. gr.

Gildistaka.

Reglugerð þessi, sem sett er með heimild í 2. mgr. 33. gr. laga nr. 117/1993 um almannatryggingar, með síðari breytingum, og 2. mgr. 13. gr. laga nr. 118/1993, með síðari breytingum, öðlast gildi 1. janúar 2003 og gildir um umsóknir sem berast eftir þann tíma. Frá sama tíma fellur úr gildi reglugerð nr. 170/1987 um þátttöku almannatrygginga í bifreiðakaupum fatlaðra, með síðari breytingum, og reglugerð nr. 690/2000 um greiðslu sérstakrar fjárhæðar til rekstrar ökutækis hreyfihamlaðra. Þá falla brott óbirtar reglur tryggingaráðs frá 22. mars 2002 um afgreiðslu umsókna um styrki til bifreiðakaupa.

Heilbrigðis- og tryggingamálaráðuneytinu, 24. október 2002.

Jón Kristjánsson.

Davíð Á. Gunnarsson.

GJALDSKRÁ**Hitaveitu Akraness og Borgarfjarðar.****Varmaorkugjöld og önnur gjöld.**

1. gr.

Almennt.

Gjaldskrá þessi gildir fyrir orkuveitusvæði Hitaveitu Akraness og Borgarfjarðar, skammstafað HAB.

HAB selur heitt vatn úr veitukerfi sínu í heildsölu og smásölu samkvæmt gjaldskrá þessari og reglugerð hitaveitunnar.

Gjaldskrá þessi er tvískipt, annars vegar fyrir sölu úr stofnæð HAB frá Deildartunguhver og holum í Bæjarsveit og að Borgarbyggð og Akranesi, hins vegar fyrir sölu á heitu vatni sem aflað er úr borholum í Bifröst og á Svartagili í Norðurárdal.

Virðisaukaskattur bætist við öll gjöld samkvæmt gjaldskrá þessari miðað við gildandi reglur um virðisaukaskatt á hverjum tíma.

2. gr.
Gjaldskrá.

2.1 Varmaorkugjöld.

Almennt skiptast orkugjöld í tvo þætti, fast gjald og breytilegt gjald:

- Fast gjald (kr./ár) felur í sér kostnað óháðan notkun.
- Breytilegt gjald (kr./m³ eða kr./mínútlítra/ár) greiðist fyrir hverja melda einingu og er í beinu hlutfalli við notkun.

2.2 Tengigjöld.

Tengigjöld skulu greidd fyrir hverja tengingu húsveitu við dreifikerfi hitaveitunnar.

Tengigjald greiðist eftir að umsókn hefur verið samþykkt af hitaveitunni og áður en til afhendingar á heitu vatni kemur.

Stærð heimæðar miðast við hámarksrennsli til húsveitunnar og ákvarðast af hitaveitunni. Hámarksstærð heimæðar samkvæmt gjaldskrá er 50 mm. Sé óskað eftir sverari lögn eða meira rennsli en 50 mm lögnin annar, skal gerður sérstakur samningur um tenginguna. Að auki greiðist sérstaklega fyrir hverja tengigrind sem tengd er heimtauginni.

Sé fyrirsjáanlegt, vegna fjarlægðar eða annarra aðstæðna, að kostnaður við lagningu heimæðar verði meira en 50% hærri en gildandi gjaldskrá segir til um, skal notandi greiða þann kostnað sem er umfram 50% samkvæmt nánari ákvörðun hitaveitunnar enda hafi notandanum verið gert ljóst fyrirfram að um kostnaðarauka verði að ræða.

Þegar um langar lagnir vegna heits vatns er að ræða er áskilinn réttur til að hafna tengingu eða tengja með takmörkunum svo sem um hitastig og þátttöku húseiganda í kostnaði við tengingu. Miða skal við 50 metra hámarks lengd heimæðar og heimilt er að innheimta sérstaklega fyrir hvern metra umfram hámarks lengd.

Þar sem ekki er dagleg viðvera getur hitaveitan krafist þess að settir verði upp tengikassar utandyra, á kostnað notanda sem innihalda nauðsynlegan mælibúnað og eru aðgengilegir starfsmönnum hitaveitunnar.

Þegar heimæð er stækkuð, skal greiða fullt gjald fyrir hina nýju heimæð að frádregnu hálfu gjaldi hinnar fyrri heimæðar, hvort tveggja miðað við gildandi gjaldskrá þegar breytingin fer fram.

2.3 Álestrargjald.

Reglubundinn álestur mælitækja er innifalinn í varmaorkugjöldum. Að jafnaði er lesið á mælitæki einu sinni á ári. Óski notandi þess að oftar sé lesið á mælitæki er honum gerður sérstakur reikningur fyrir þann álestur, nema um sé að ræða álestur vegna flutnings.

2.4 Innheimtugjald.

Undirbúningur að stöðvun orkuafhendingar vegna vanskila notanda telst hafinn við sendingu tilkynningar þess efnis til notandans. Sé slík tilkynning send notanda skal hann greiða innheimtugjald vegna kostnaðar við undirbúning stöðvunarinnar, þó að til hennar hafi ekki komið.

Komi til stöðvunar orkuafhendingar vegna vanskila notanda skal hann greiða gjald vegna kostnaðar við þá framkvæmd. Gjald þetta kemur til viðbótar innheimtugjaldi samkvæmt fyrri málsgrein.

2.5 Tengikassar.

Þar sem sumarhús og annað húsnaði, þar sem ekki er dagleg viðvera, tengjast hitaveitunni, er gerð krafa um að settur verði upp tengikassi. Hitaveitan býður slíka kassa sem uppfylla kröfur um vatnsheldni, einangrunargildi og rykþéttni í tveimur stærðum.

Sá minni nægir undir tengigrind hitaveitunnar en sá stærri rýmir tengigrindina og nauðsynlegan búnað húseigenda.

Sala úr stofnæð HAB frá Deildartungu og Bæjarsveit.

3. gr.

3.1 Varmaorkugjöld.

3.1.1 Fast gjald.

Fast gjald í heildsölu er eftirfarandi:

Sala til Orkuveitu Reykjavíkur á Akranesi 82.400.000 kr./ár

Sala til Orkuveitu Reykjavíkur í Borgarbyggð 30.900.000 kr./ár

Fast gjald í smásölu er háð afköstum rennislismælisins en óháð töxtum að öðru leyti.

Því er skipt í þrjá flokka:

A: 15 mm til 20 mm 19,46 kr./dag

B: 25 mm til 50 mm 40,64 kr./dag

C: 65 mm og stærri 82,39 kr./dag

Fasta gjaldinu er dreift jafnt niður á tímabil reikninga.

3.1.2 Breytilegt gjald.

Varmaorka er afhent í formi heits vatns sem selt er samkvæmt rúmmetramælingu. Heimilt er að selja heitt vatn til sumarhúsa í formi hámarksrennslis, svokallaðan hemilskammt. Ekki er veittur afsláttur vegna takmörkunar á afhendingu varmaorkunnar og/eða lækunar á hita vatnsins. Sækja skal skriflega um annan taxa en IC1 Almenn heitavatnsnotkun.

IC1. Almenn heitavatnsnotkun 59,00 kr./m³

Taxtinn gildir fyrir upphitun, almenna heimilisnotkun og snjóbræðslur.

IC2. Almenningsundlaugar 17,72 kr./m³

Taxtinn gildir fyrir almenningsundlaugar í eigu sveitarfélaga. Með í taxtanum telst baðvatn og vatn til set- og vaðlauga.

IC3. Gróðurhús 29,50 kr./m³

Taxtinn gildir fyrir garðyrkjubændur með gróðurhús sem framleiða garðyrkjuafurðir á almennan markað.

IC4. Sundlaugar 29,50 kr./m³

Taxtinn gildir fyrir sundlaugar, set- og vaðlaugar. Heimilt er að tengja baðvatn taxtanum ef sundlaugin er aðalþáttur starfseminnar.

IC5. Sérsamningar I 23,60 kr./m³

Samkvæmt samningi á milli Orkuveitu Reykjavíkur og Hitaveitu Akraness og Borgarfjarðar gildir taxtinn fyrir heildsölu til Orkuveitu Reykjavíkur á Akranesi og í Borgarbyggð.

IC6. Sumarhús 16.082 kr./mínútlítra/ár

Taxtinn gildir fyrir sumarhús. Selt er samkvæmt hemli hámarksrennslis til sumarhússins. Lágmarks hemilskammtur er 3 lítrar á mínútu. Breytingu á hemilskammti til aukningar eða lækunar er einungis hægt að gera einu sinni á ári.

ID2. Fiskeldi 29,50 kr./m³

Taxtinn gildir fyrir fiskeldisfyrirtæki í framleiðslu.

ID3. Íþróttavellir 44,30 kr./m³
Taxtinn gildir fyrir upphitaða íþróttavelli utandyra.

ID4. Iðnaðarvatn 29,50 kr./m³
Taxtinn gildir fyrir iðnaðarfyrtæki sem nýta vatnið í framleiðsluferlum og þar með til verðmætasköpunar. Taxtinn gildir ekki fyrir hitun iðnaðarhúsnæðis.

3.2 Tengigjöld.

Stærð heimæðar til nýrra notenda ákvarðast af hitaveitunni hverju sinni. Þar sem lengd heimæðar er minni en 50 metrar gildir eftirfarandi gjaldskrá. Fyrir hvern metra umfram 50 metra er heimilt að innheimta allt að 1% af tengigjöldum viðkomandi málstærðar.

Málstærð	Gjald í krónum
15 mm	88.580
20 mm	177.160
25 mm	369.770
32 mm	565.470
40 mm	1.148.450
50 mm	1.919.920

15 mm málstærð er einungis í boði fyrir sumarhús.

Ein tengigrind er innifalin í hverju tengigjaldi.

Auka tengigrind ásamt mæli eða hemli kostar 10.570 krónur.

3.3 Álestrargjöld. kr.
Gjald vegna aukaálestrar hjá notanda 1.215

3.4 Innheimtugjöld.
Seðilgjald 200
Vanskilatilkygning 450
Ítrekunartilkygning vegna vanskila 900
Gjald vegna stöðvunar orkuafhendingar 1.800

3.5 Tengikassar.
Stærri kassi (rými fyrir tengigrind hitaveitu og stjórnbúnað) 37.750
Minni kassi (rými fyrir tengigrind hitaveitu) 26.900

Sala í Bifröst og Svartagili.

4. gr.

4.1 Varmaorkugjöld.

4.1.1 Fast gjald.

Fast gjald er háð afköstum rennslismælisins en óháð töxtum að öðru leyti.

Því er skipt í þrjá flokka:

A: 15 mm til 20 mm	19,46 kr./dag
B: 25 mm til 50 mm	40,64 kr./dag
C: 65 mm og stærri	82,39 kr./dag

Fasta gjaldinu er dreift jafnt niður á tímabil reikninga.

4.1.2 Breytilegt gjald.

Varmaorka er afhent í formi heits vatns sem selt er samkvæmt rúmmetramælingu. Heimilt er að selja heitt vatn til sumarhúsa í formi hámarksrennslis svokallaðan hemilskammt. Ekki er veittur afsláttur vegna takmörkunar á afhendingu varmaorkunnar og/eða lækunar á hita vatnsins. Sækja skal skriflega um annan taxa en IN1 Almenn heitavatnsnotkun.

IN1. Almenn heitavatnsnotkun 64,50 kr./m³

Taxtinn gildir fyrir upphitun, almenna heimilisnotkun og snjóbræðslur.

IN4. Sundlaugar 32,25 kr./m³

Taxtinn gildir fyrir sundlaugar, set- og vaðlaugar. Heimilt er að tengja baðvatn taxt-anum ef sundlaugin er aðalþáttur starfseminnar.

IN6. Sumarhús 16.082 kr./mínútulítra/ár

Taxtinn gildir fyrir sumarhús. Selt er samkvæmt hemli hámarksrennsli til sumarhúss-ins. Lágmarks hemilskammtur er 3 lítrar á mínútu. Breytingu á umsömdum hemilskammti til aukningar eða lækkunar er einungis hægt að gera einu sinni á ári.

IN7. Sérsamningur I 29,50 kr./m³

Samkvæmt samningi dags. 11. apríl 2002 milli Orkuveitu Reykjavíkur og Viðskipta-háskólans Bifröst ber að veita Viðskiptaháskólanum 50% afslátt frá gjaldskrá Orkuveitu Reykjavíkur í 10 ár frá undirskrift samnings.

IN8. Sérsamningur II 3.618 kr./mínútulítra/ár

Samkvæmt samningi dags. 11. apríl 2002 milli Okurveitu Reykjavíkur og Hitaveitufé-lags Norðdælinga ber að selja fyrrverandi eigendum hitaveitufélagsins heitt vatn samkvæmt sömu gjaldskrá og í gildi var fyrir undirskrift samnings. Gjaldið gildir í 15 ár frá 11. apríl 2002 að telja og skal það endurskoðað miðað við vísitölu neysluverðs í mars ár hvert. Breytingu á umsömdum hemilskammti til aukningar eða lækkunar er einungis hægt að gera einu sinni á ári.

4.2 Tengigjöld.

Stærð heimæðar til nýrra notenda ákvarðast af hitaveitunni hverju sinni. Þar sem lengd heimæðar er minni en 50 metrar gildir eftirfarandi gjaldskrá. Fyrir hvern metra umfram 50 metra er heimilt að innheimta allt að 1% af tengigjöldum viðkomandi málstærðar.

Málstærð	Gjald í krónum
15 mm	88.580
20 mm	177.160
25 mm	369.770
32 mm	565.470
40 mm	1.148.450
50 mm	1.919.920

15 mm málstærð er einungis í boði fyrir sumarhús.

Ein tengigrind er innifalin í hverju tengigjaldi.

Auka tengigrind ásamt mæli eða hemli kostar 10.570 krónur.

4.3 Álestrargjöld.

Gjald vegna aukaálestrar hjá notanda	kr. 1.215
--------------------------------------	--------------

4.4 Innheimtugjöld.

Seðilgjald	200
Vanskilatilkynning	450
Ítrekunartilkynning vegna vanskila	900
Gjald vegna stöðvunar orkuafhendingar	1.800

4.5 Tengikassar.

Stærri kassi (rými fyrir tengigrind hitaveitu og stjórnþúnað)	37.750
Minni kassi (rými fyrir tengigrind hitaveitu)	26.900

Gjaldskrá þessi staðfestist hér með samkvæmt orkulögum nr. 58 frá 29. apríl 1967 til að öðlast gildi við birtingu og birtist til eftirbreytni öllum sem hlut eiga að máli. Jafnframt fellur úr gildi eldri gjaldskrá sama efnis, nr. 949 frá 28. desember 2000, með áorðnum breytingum.

Iðnaðarráðuneytinu, 17. október 2002.

Porgeir Örlygsson.

Guðjón Axel Guðjónsson.

REGLUGERÐ

fyrir Hitaveitu Akraness og Borgarfjarðar.

1. gr.

Orkuveita Reykjavíkur og ríkissjóður eiga og reka saman fyrirtæki, sem nefnist Hita-veita Akraness og Borgarfjarðar, skammstafað HAB, hér eftir nefnt hitaveitan.

Hitaveitan er stofnuð með samningi 23. mars 1979. Gerður var nýr samningur 8. desember 1995.

Hitaveitan er sjálfstæður réttaraðili og hefur sjálfstæðan fjárhag og reikningshald. Heimili hitaveitunnar og varnarþing er í Reykjavík.

2. gr.

Stjórnarfundir fara með æðsta vald í málefnum félagsins. Stjórn hitaveitunnar skal skipuð 3 mönnum sem tilnefndir eru af eigendum þess á aðalfundi. Stjórnin skiptir með sér verkum. Hún stýrir öllum málefnum hitaveitunnar milli aðalfunda, veitir prókúruumboð og gerir samninga fyrir hennar hönd. Stjórnin tekur ákvarðanir um breytingar á gjaldskrá sem samþykkt skal af iðnaðarráðherra hverju sinni. Skoðunarmenn hitaveitunnar og endurskoðandi skulu kjörnir á aðalfundi.

3. gr.

Verkefni hitaveitunnar er að virkja jarðhita svo og aðra orkugjafa og rekstur hitaveitu sem selur heitt vatn í heildsölu og í smásölu eftir því sem ákveðið kann að verða og hagkvæmt þykir. Í þessu skyni skal hitaveitan leita eftir samningum um borunar- og virkjunarrétt, bora eftir heitu vatni og virkja þegar hagkvæmt þykir, leggja veitukerfi og annast sölu á heitu vatni eða varma til notenda. Hitaveitunni er heimilt að reka og þjónusta hitaveitur fyrir aðra aðila svo sem Orkuveitu Reykjavíkur og skulu gjaldskrár þeirra veitna auglýstar á sama hátt og HAB.

4. gr.

Hitaveitunni er heimilt að setja í tengiskilmála ákvæði um lagningu heimæða og tengingu þeirra við húsveitur húseigenda. Húsveita sem tengist veitukerfi hitaveitunnar skal fullnægja kröfum sem settar eru í reglugerðum og tengiskilmálum.

Heimæðar ásamt tengigrind eru eign hitaveitunnar ef ekki er sérstaklega um annað samið og þótt tengigjald hafi verið greitt.

Nú eru sérstakir erfiðleikar á tengingu húss og getur hitaveitan þá ákveðið að húsið